

Kalaallit Nunaanni pinerluttulerinermi Inatsimmi § 20 imm. 2-p allangortinnissaa pillugu danskit naalakkersuisuinut attaveqaqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasilluni unioqutitsinerit imaluunniit inatsimmi § 99 naapertorlugu unioqutitsinerit ilungersunartut immikkut taasat pisortanit unnerluutiginnittussaataitasunit eqqartuussinermut utaqqisitassamut atatillugu unnerluutiginnissutissanngortillugit.
(Inatsisartuni ilaasortaq, Steen Lynged, Demokraatit)

Akissuteqaat

Peqqissutsimut, Isumaginninnermut Inatsisinillu Atuutsitsinermut Naalakkersuisoq
Siullermeerneqarnera

Naalakkersuisut Inatsisartuni ilaasortap Steen Lynged apeqqummut saqqummiussaanut qujapput.

Qarasaasiakkut inuit naapittarfiisa siaruariartuinnarnerisa eqqunngitsumik pasilliinerit ajuallatsitsiniarnerillu ajornannginnerusumik saqqummiunneqarsinnaalernerat kinguneraa. Taamatut ineriartortoqarnerata, nikassaataasumik ajuallatsitsisarnernik inunnut amerlanernut sukkasuumik annertuumillu siaruaasoqarsinnaanerani, annertunerusumik aarlerinarsitippaa, ajornerpaaffianilu inummut pineqartumut inuttut kingunipilutitsisinnaanermik aarlerinartitsisinnaalluni. Tamanna pillugu inuup ataqqisaanera illersussallugu pingaartuummat Naalakkersuisut isumaqatigaat.

Nikassaataasumilli ajuallatsitsisarnernit ullumikkut pinerluttulerinermi inatsimmik unioqutitsinerusinnaapput, kisianni tamakku inuup nammineq unnerluussissutissaatut pineqartarput, tamannalu pisup politiinit unnerluussissutigineqarsinnaannginneranik isumaqarpoq. Tamannali pillugu eqqartuussivimmu akitsuummik 500 kr.-imik akiliilluni saqitsaanermi suliasatut suliaasiisoqarsinnaavoq.

Siunnersuut manna malittarisassanik allangortitsisoqarnissaanik inassuteqarpoq, taamaalilluni nikassaataasumik ajuallatsitsinernik suliat pisortanit unnerluussissutigineqarsinnaalersillugit. Tamannalu ima paasisariaqarpoq innuttaasoq, pisuni nassuiaasorsorluarneqarsimasuni, nikassaataasumik ajuallatsitsineq pillugu politiinut unnerluutiginnissinnaasoq, tamatumalu kingorna politiit suliamik misissuineramik aallartitsissallutik.

Qallunaat pillaasarnermut inatsisaanni pitsaassutsip assinganik illersugaanerullu assinganik pinerluttulerinermi inatsimmi peqarnissarput aallaaviatigut kissaatigaarput, soorunami kalaallit nunaanni pissutsit killissarititaasut eqqarsaatigalugit. Taamaamat nikassaataasumik ajuallatsitsinerit immikkut sakkortuut politiinut unnerluutigineqarsinnaaneranut periarfissap eqqunneqarnissaa Naalakkersuisut isumaqatigaat.

Ullumikkut pillaasarnermi inatsit malillugu pisortani sulisoq imaluunniit inuiaqatigiit suliassaataannik sullissisoq, suliffimmik imaluunniit sullissinerup annaanissaanik kinguneqarsinnaasumik pissutsimik pasillerneqarpat, eqqartuussut pinerloqqinngikkaanni naammassineqartussaanngitsoq pisortanit unnerluussutigineqarsinnaavoq. Kinaassutsimik isertuussilluni imaluunniit eqqunngitsumik ateq atorlugu pasilliisoqarsimatillugu tamanna aamma atuuppoq.

Aamma ilisimatitsissutigineqassaaq nikassaataasumik ajuallatsitsisarneq pillugu qallunaat inatsisaata iluarsartuunneqarnissaa Folкетинgip massakut folкетинgip ukiuani suliarissammagu.

Nikassaataasumik ajuallatsitsinerit sakkortuut, eqqartuussummik pinerloqqinngikkaanni naammassineqartussaanngitsumik, pisortanit unnerluussutigineqarsinnaannornissaat, pillaasarnermi inatsit pillugu siunnersuisoqatigiit matumani siunnersuutigaat. Tassani pasilliinerit ilungersunartut salluusullu (mamarliinerit), ilaatigut pasilliinerit qarasaasiakkuut inuit naapittarfii aqqutigalugu saqqummiunneqartut siammarterneqartulluunniit, taamatullu narruummisinneqartumut annertuumik ajoqusiinnaasut, matumani pineqarput.

Tamakku tunuliaqutaralugit nikassaataasumik ajuallatsitsisarnerit pillugit Kalaallit Nunaanni pinerluttulerinermi Inatsisip allannortinnissaa pillugu danskit naalackersuisuisa attaveqarfigineqarnissaat pillugu siunnersuut Naalackersuisut ilalerpaat.

Naalackersuisut taamatut oqaaseqarlutik siunnersuutip akuerineqarnissaa innersuussutigivaat.